

Headline	PUSPAKOM EDAR 5,000 BUKU PANDUAN PIAWAIAN PEMERIKSAAN BAS		
MediaTitle	Sinar Harian		
Date	24 Mar 2016	Color	Full Color
Section	Turbo	Circulation	279,000
Page No	25	Readership	837,000
Language	Malay	ArticleSize	236 cm ²
Journalist	N/A	AdValue	RM 3,452
Frequency	Daily	PR Value	RM 10,356



PUSPAKOM EDAR 5,000 BUKU PANDUAN PIAWAIAN PEMERIKSAAN BAS

PUSPAKOM Sdn Bhd (Puspakom) akan mengedarkan 5,000 naskhah Buku Panduan Pemeriksaan Bas terbitan khas kepada semua persatuan pengusaha bas dalam usaha untuk memberi pendedahan yang lebih jelas berhubung piawai pemeriksaan bas sekolah, bas pekerja, bas ekspres dan bas persiaran yang perlu dipatuhi.

Ketua Pegawai Eksekutif Puspakom, Mohammed Shukor Ismail, berkata pihaknya juga akan mengedarkan buku panduan itu secara percuma kepada semua pemandu dan pengusaha bas di semua cawangan Puspakom yang ada menjalani pemeriksaan terhadap kenderaan bas. Ia juga boleh didapati di laman web Puspakom <http://www.puspakom.com.my/ms/media-a-semasa/>

brochures/buku_panduan_pemeriksaan_bas.html dengan memuat turun buku tersebut bagi kemudahan pengusaha dan pemandu bas.

"Atas sambutan pengedaran buku panduan teks pada Januari lalu yang sangat menggalakkan, pihak kami meneruskan inisiatif untuk menerbitkan dan mengedar buku panduan bas untuk memberi maklumat dan kesedaran kepada industri bas, khususnya kepada pengusaha dan pemandu bas semasa mereka menjalani Pemeriksaan Berkala setiap enam bulan di Puspakom.

"Kami berharap buku panduan ini dapat membantu mereka untuk lebih memahami dan mematuhi Akta Pengangkutan Jalan 1987 dalam memastikan bas mereka berada pada

tahap yang baik dan secara tidak langsung dapat meningkatkan keselamatan penumpang, pemandu dan juga pengguna jalan raya yang lain," katanya.

Isi kandungan buku panduan ini memperincikan semua tahap pemeriksaan termasuk pemeriksaan bahagian atas kenderaan, pemeriksaan bahagian bawah kenderaan, ujian pengeluaran asap, pemeriksaan gelincir sisi, suspensi, meter laju, lampu puncak dan brek.

Sampel Buku Panduan Pemeriksaan Bagi Kenderaan Bas:

